



Broj: 10/1-34-018738-4/20
Datum: 28.04.2021. godine

Na osnovu člana 30. stav (4). Zakona o visokom obrazovanju („Službene novine Tuzlanskog kantona“, broj: 07/16, 10/16, 5/17, 15/17, 15/19 i 9/20) i člana 25. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 9/16), u postupku rješavanja po zahtjevu visokoškolske ustanove Visoka škola za finansije i računovodstvo „FINra“, Tuzla, ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE

o akreditaciji Visoke škole FINra Tuzla

- 1. Akredituje se visokoškolska ustanova Visoka škola za finansije i računovodstvo FINra Tuzla (u daljem tekstu: Visoka škola FINra Tuzla).**
- 2. Visoka škola FINra Tuzla je ovlaštena da dodjeljuje akademske titule, zvanja i izdavati diplome koji se stiču izvođenjem studijskih programa na ovoj ustanovi.**
- 3. Rješenje o akreditaciji izdaje se na period od pet godina.**
- 4. Obavezuje se Visoka škola FINra Tuzla da najkasnije šest mjeseci prije isteka roka iz tačke 3.ovog rješenja podnese zahtjev za ponovnu akreditaciju.**
- 5. Ovo rješenje stupa na snagu danom donošenja.**

OBRAZLOŽENJE

Visoka škola FINra Tuzla je podnijela Ministarstvu zahtjev za institucionalnu akreditaciju, aktom broj: 01-275-1/20 od 09.09.2020. godine. Podneseni zahtjev Ministarstvo je zaprimilo pod brojem: 10/1-34-018738/20 od 22.09.2020. godine. Ministarstvo je nakon toga dokumentaciju dostavljenu od strane Visoke škole FINra Tuzla aktom broj: 10/1-34-018739-1/20 od 27.10.2020. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za akreditaciju Visoke škole Finra Tuzla (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni

glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-386-2/20 od dana 06.01.2021. god. Tokom aktivnosti u vezi sa pripremom Komisije stručnjaka za posjetu visokoškolskoj ustanovi imenovani predsjednik Komisije je putem e-maila informisao ostale članove Komisije, predstavnika Agencije, te predstavnika Ministarstva da ponosi ostavku na mjesto predsjednika i članstvo u Komisiji. Agencija je na osnovu navedenog donijela Rješenje o izmijeni Rješenja o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuku o akreditaciji visokoškolske ustanove Visoka škola za finansije i računovodstvo FINra Tuzla, broj: 05-33-1-386-4/20 od 21.01.2021. godine.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu u martu 2021. godine te nakon toga sačinila Izvještaj o eksternoj evaluaciji Visoke škole Finra Tuzla.

Dana, 15. 04. 2021. godine Komisija je Agenciji dostavila Izvještaj o eksternoj evaluaciji Visoke škole FINra Tuzla, radi izdavanja preporuke o akreditaciji visokoškolske ustanove. U skladu sa Odlukom o normama, Komisija je ocijenila ispunjenost deset kriterija za akreditaciju opisnim ocjenama i to politika osiguranja kvaliteta-znatno ispunjen, izrada i odobravanje programa-znatno ispunjen, učenje, podučavanje i vrednovanje usmjereni na studenta-znatno ispunjen, upis i napredovanje studenata, priznavanje i certificiranje-potpuno ispunjen, nastavno osoblje-znatno ispunjen, resursi za učenje i podrška studentima-znatno ispunjen, upravljanje informacijama-znatno ispunjen, informisanje javnosti-potpuno ispunjen, kontinuirano praćenje i periodična revizija programa-znatno ispunjen i periodično vanjsko osiguranje kvaliteta-znatno ispunjen. Visoka škola FINra Tuzla bi trebala po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvještaja i mišljenja Komisije da visokoškolska ustanova Visoka škola Finra Tuzla ispunjava propisane uslove za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-386-7/20 od 22.04.2021. god. i istu dostavila Ministarstvu na daljnje postupanje.

Na osnovu naprijed navedenog, Ministarstvo je cijeno da su ispunjeni svi propisani uslovi za izdavanje institucionalne akreditacije podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x Visoka škola Finra Tuzla
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a

